


地 360.153

138

新四 122

象州志
上



象州志序

補用同知署象州事南昌李世椿謹撰

志象州後於治象州志象州實難於治象州民之愚者論以理理之悖者裁以法法之窮者行以意治象州者如是而志象州者異是山川道里有定所秩官科目有定名田賦軍政有定則人材物力有定數無理可諭無法可裁卽訛者正之缺者補之亦不能以意自爲也故時較後而勢較難舊志肇修於雍正十二年前任祖君重修於乾隆十九年前任蔣君而最先刼始者則萬曆時海澄李公維岳也蔣距肇修數十年今距重修又百餘年矣咸豐改元地方多故治象州者日

象州志上序

不暇給志象州者更力不暇及此所以有待於後也余以同治七年蒞任以同治九年報政盜賊幸告靖錢糧幸符額城樓神廟衙署廢者興故者新而書院舊址菟葵燕麥搖動春風因大興土木旣落成遂徐及志乘屬諸紳之解事者備爲採訪又爲諸紳之董事者備其經費而林下鄭小谷比部適爲都講樂共編葺考古必確採今必詳體例之改正刪定詳凡例中非敢變前人之已然正以續前人之未備耳竣事而余當御篆故不及呈書上官亦不敢乞序上官因自述其原委於簡端然前李君初葺適得前鄉紳呂御史遺有草藁今余續修又得鄉紳鄭比部爲之纂錄是亦足見都人士之相

與有成矣後有治象州者觀其志象州者或於此申之因革損益不無小補云時同治九年秋九月二十日南昌李世椿謹序

凡例十則

方志之書地輿之書也有地斯有官而庶政由是起有地斯有人而庶事由是分而所出之物產所值之災變遂亦不得而略焉今總以四大綱刪去諸細目一曰紀地先爲沿革一表面疆域之道里山川之名勝城市之建置物類之生產俱類而列其間二曰紀官先爲秩官一表官之著績於此者間爲小傳其謫宦於此者亦爲連書而田賦之

象州志

上

凡例

二

額數學校之典禮兵備之防備俱附於其後所謂政也政從官者也三曰紀人先爲科舉一表人之名行可紀者間爲小傳其婦女可紀者亦爲連書而人民之術業風俗之禮節時事之理亂俱附於其後所謂事也事從人者也四曰紀故沿革之故蹟政事之故典人物之故籍俱叢而載其中令考古者有據而復古者有由焉提綱不類眾目已括此全志大概也

舊志職官無表科舉亦無表尊卑順序前後倒置竟似縣役花名卯簿閱者不了然作者先漫然此不可不補

舊志疆域有總圖各里無分圖所列村墟山水關梁各條

名目雖具脈絡不清此不可不補

九野下屬九州業已參差不合一方僅占一度尤爲茫昧不分而修志者必首列天文妄爲附會此不可不刪

春雲秋月何時不然水色山光何處不有俗志強列入景之目俗人又妄爲八景之詩支離可憎荒陋可鄙此不可不刪

閻百詩論統志緣於山川諸門外刪去人物一門所見甚高而於方志未宜何者統志紀四海之大百代之遠其人物之卓卓可紀者自有國史今裁入地志是以志奪史也若一方之人物未必皆可入一代之史冊不於志詳之彼

象州志 上 凡例

三

所有文人學士義夫烈女將於何所存之耶此似不可從章實齋論修志欲於藝文專門外別增文徵一門謂藝文只載書名文徵可收眾作殊不知志地方何與於選文字彼果有關於地方利病地方建置地方名勝已細注於各門各條之下其他卽號爲作家別有名篇當於本人傳中及之豈必以刊志者代人刊集耶此斷不可從

名宦鄉賢之祠 朝廷所定則名宦鄉賢之目必督撫所奏今俱非其實不得襲其名統以紀官紀人爲得體

藝文之志金石之略方志每每湊數強分兩門不滿一藝吾鄉前人著作無傳書各處碑版無遺文則竟可闕之

新志既修舊志必廢實則後人据前人底本重爲補訂以
求詳備非必遂勝之也故將以前修志姓名及修志體例
亦爲刪取其略有所更正得以互考前明萬曆時李公維
岳規分四卷新類三十有八見徐濟所作序文書不傳

國朝雍正時祖公承祜所修無考乾隆時蔣公何萊仍分
四卷新類二十見陸公藹吉所刊凡例書尙存卽今所据
之本也其書第一卷五門曰天文曰輿圖曰沿革曰疆域
曰山川而附子目十有五第二卷分五門曰民賦曰鹽法
曰學校曰建置曰壇祠而附子目十有一第三卷分四門
曰秩官曰選舉曰軍政曰名宦無子目第四卷分六門曰
遷謫曰人物曰諸蠻日記序曰詩鈔曰雜錄而附子目者

象州志

上

凡例

四

六

象州志

監修

署象州事南昌李世椿

纂修

刑部主事郡人鄭獻甫

採訪

附監生鄭渠

修仁縣學教諭劉士崇

生員馮元鏞

校錄

舉人李日章

軍功保舉知縣李文雄

生員劉詠裳

校刊

陽朔縣學訓導石建渠

紀地第一帙

象州志

上

紀地

壹

紀地之首沿革猶命物之有名號否則分析合併同異皆無辨矣象在漢時屬鬱林郡在吳時屬桂林郡本潭中中溜二縣地名雖始於秦其實秦之象郡乃漢之日南郡今之安南國非唐之象州也攷晉桂林郡領縣八有潭中而無中溜宋桂林郡領縣七有中溜而無潭中齊桂林郡領縣十一而中溜潭中並見陳時始置象郡隋廢爲象縣唐時始置象州而陽壽武德西寧武仙爲所屬其後省析桂林之西寧武德二縣入之後又以廢晏州之建陵長風二縣屬之移治武化在正觀時復治陽壽在大曆時卽今臨大江之治所也唐以前本兼陽壽武化數縣宋以後猶領武仙來賓二縣明時始爲

象州志

上

紀地

一

散州今因之則不得涉他處矣所紀之道里山川人物皆准此

地

地

地

地

地

象州志

上

紀地

三

宋時州領三縣故樂史太平寰宇記言東西四百二十七里南北二百五十七里蓋兼來賓武仙言之也今只治一縣故舊志言東西一百八十五里南北一百里宋時東至龔州

今潯州二百六十五里今則東至纒村接平樂修仁界一百二十

五里宋時西至柳州馬平縣二十七里今則西至回龍村接

馬平縣界五十里宋時南至貴州

今貴縣五百里今則南墜牛

關塘接武宣縣界五十里宋時北至柳州象縣一百六十里

今則北至波羅村接雒容縣界五十里宋時東南至潯州桂

平縣一百五十里今則東南至大欖嶺接潯州府平南縣界

一百三十里宋時西南至澄州界

象州志

上 紀地

四

今上林縣地西南至三角村接來賓縣界五十里宋時東北至西唐州一

百九十里今則東北至迷塘村接平樂府修仁縣界九十里

宋時西北至柳州二百里今則西北至牙村接雒容縣界五

十里据道里推之州之東宋時贏一百三十里東北贏一百

里則唐所析置建陵長風二縣當在其地今修仁界也州之

北宋時贏一百十里西北贏一百七十里則隋時所置之象

縣唐時所析之武德當在其地今雒容馬平界也州之南宋

時贏四百五十里東南贏二十里則唐時所析之武化西寧

二縣當在其地今武宣界也皆與今州治陽壽地無涉

漢時中溜潭中縣名考

說文解字潭水出武陵鍾成玉山東入鬱从水覃聲

漢志鍾成下曰玉山潭水所出東至阿林入鬱過郡二行七百二十里過郡二者武陵鬱林也今廣西潯州府阿林廢縣漢縣也鬱林郡廣鬱下曰鬱水首受夜郎豚水東至番禺郡四會入海過郡四行四千三十里過郡四者牂牁蒼梧鬱林南海也潭水卽今福祿江源出苗地東南至今貴州黎平府西爲古州江東至永從縣南合彩江爲福祿江入廣西界至柳城縣爲柳江又東南經象州至潯州府城北曰潯江此爲廣西之右江亦曰北江合廣西左江亦曰南注卽所謂入鬱也唐始置潯州以北潯江爲名潯江

象州志上紀地

五

卽古潭水古二字同音因改其字耳今以上流爲柳江下流爲潯江漢人統曰潭下流亦曰溜潭與溜實一水也

說文解字溜从水留聲鬱林郡

漢志有中鬱縣卽古曰留力救反水名蓋中留潭中皆以水得名也後志及宋書州郡志作中溜字從水疑前志亦當從水元和郡縣志曰貞觀八年改南昆州爲柳州因柳江爲名柳州卽今柳州府柳江出苗地至今貴州古州永從縣生苗畛中東南入廣西至柳城縣曰柳江至象州會於盤江柳江卽古溜水也後世譌其字耳

地理志武陵郡鍾成玉山潭水所出東至阿林入鬱過郡二

行七百二十里

今貴州永從縣福祿江出縣西境山東南流至廣西曰柳江又南流至桂平縣與鬱江合此水今不止七百餘里

地里志牂牁郡毋斂剛水東至潭中入潭

今廣西融縣水東流至縣東境入柳江

地里志鬱林郡定周水首受無斂東入潭行七百九十里

今廣西思恩縣龍江首受貴州荔波縣蠻村江東流入柳江

地里志武陵郡鐔成康谷水南入海

今廣西永安州黃源水西南流分二派其南派南流曰潯

象州志

上

紀地

六

潯江又南流入柳江志文入海當作入潭

地里志益州郡毋撥橋水首受橋山東至中留入潭過郡四行三千一百二十里

今廣西凌雲縣北之紅水河首受北盤江也橋山今雲南
霑益州西北境山北盤江所出也紅水河東流至象州與
修仁合

合此五郡以考二水乃得源流了然案鬱林郡領縣十二
曰布山曰安廣曰阿林曰廣鬱曰中留曰桂林曰潭中曰
臨塵曰定周曰增食曰鎮方曰雍雞以水道經過考之則
謂潯中者當屬今融縣地所謂中留者當屬今象州地蓋

潭其上流溜其下流將河郡母斂之剛水在上故曰東至
潭中入潭益州郡母撥橋之水在下故曰東至中留入潭
而應劭注潭皆音淫與海同師古注留皆音力救反與柳
同乃恍然於今之潯江柳江卽此二水其實一水也因備
錄說文參攷漢志以俟後之攷地里者正焉

象州志

上

紀地

七

象州總圖

象州志上 紀地

八

象州全圖



東

桂平界

分水嶺

祖地

古車溝

黃海

高嶺

都河口

鎮岑

巨火墟

東麓

雷隱山

南

武官界

小水

波羅水

象武分界

五利水

真秀山

伯風山

古塘卡

天蓋山

金雞嶺

老虎尾

沙關隘

回面山

密山

尖山

石龍山

大木卡

馬平墟

狼村墟

腳墟

來賓界

橫水江

密山

象州總圖說

州東界平樂之修仁西界馬平南界潯州之武宣北界雒容地皆相錯路亦互通惟東南東北間徭山列峙徭人散處有徑焉可通桂平平南各境中無居人亦無戍卒經畫所不及藏姦逋寇時出而搖蕩此則以界外視之而實當於界內圖之者也就其四封分爲八里柳江流其西外界西鄉一里徭山障其東中畫各鄉七里皆山多於地水少於田山則在州南者如天蓋山在州北者如五馬山在州東者如雷隱山以及烏嶺甕嶺石門嶺大歇嶺皆橫亘數里障蔽數村其餘之羅列者不勝計也水則落才江在南

象州志

上

紀地

十

鄉里大樟江百丈江在東安里香草江在安中里羅脈江下里江在昌化里源分流合滙於運江入於象江小舟泝流而上一可至落才河口一可至仁義江頭其餘則不能通也田之傍諸江者不患潦而遠諸江者常患旱十日不雨則畝畝拆一月不雨則溪澗竭農家三時力作或不足償一春籽種非講求陂塘雜蒔梁麥者其爲嗷嗷多矣

一 廂坊里圖

象州志上

紀地


十一

附城廂坊里圖

東



北



象州志

地理

三

象州志地理
 象州城在平南縣南六十里
 城隍廟在城內
 文昌廟在城內
 羅羅山在城南
 賴柳山在城北
 牛車水在城東
 頭溝在城東
 象州城在平南縣南六十里
 城隍廟在城內
 文昌廟在城內
 羅羅山在城南
 賴柳山在城北
 牛車水在城東
 頭溝在城東

左右附郭廂坊里同誌

附郭右其村六曰木恩曰上屯曰沙蘭曰南沙曰灘頭曰
金鼓附郭左其村六曰鹿到曰沙岡曰雜沙曰三磊曰崩
溝曰渡口疆界頗狹土田亦稀其山則東有東岡山西有
象臺山南有筆架山北有五屏山其水則城南有一澗二
澗城北亦有一澗二澗而七里江在州東七里十里江在
州東十里又會小江以入於大江此其灌溉之利也附城
之田不足供在城之戶有力者常買至外里而食其租同
治九年清查糧冊改正漏賦以兩鄉下半里割屬之派江
西南而下西岸歸之西鄉南岸歸之廂坊距城不出二十

象州志

上
紀地

三

里

北下里圖

象州志上

紀地

十

北下里圖

南

東




象州志

地理

北

南



西



北下里圖說

北下里在州城之東并包州城之北南近武宣廟王墟北近雒容運江墟東近南鄉寺村墟境曠蕩而土疎薄故旱局也由城東出者左踰石門嶺右踰甕嶺中踰大歇嶺山多水少山大水小稍北之水由白崖村背出六蒙山至下田村循古才塘西入於象江稍南之水由甕嶺出至花池村經蓮塘村沿熱水村與熱水漢所出之水合下那懷村經二賢庄與木恩村所出之水合而北入於象江又一水由武宣分界出至紅泥村下鳳里村經羅平村沿橋站村播鄂漢之水經古行村南來注之合流經上橫橋村匯於

象州志

紀地

一

麻科村又一水由那儀分界出至馬黎村經馬湖村與土見漢之水合玉屏山所出之水經中唐村南來注之合流過大鉢山至麻他村與果雷漢之水合水巖所出之水繞白石村者東來注之亦匯於麻科村二水合爲一水經洛田村下徐喜壩大柏山所出之水經水站村過大井村與大井漢之水合東來注之又合流至橫橋墟一曲經慈悲麻皮等村至雷廟壩一曲又經千四村滿村白崖村匯白崖壩又經崇山村匯五道漢合流下古平古樓等村至思勞蜡村入於象江所資以灌溉者僅此耳然皆不能通小舟並不能畜大魚故絕無土產可紀

南鄉里圖

象州志上 紀地

十七

南鄉里圖

南



象州志

上紀地

北

東

西



南鄉里圖說

南鄉山脉發於聖喜山分左右支水源亦發於聖喜山分左右流至風伯山合經上廖村沿木葉村古星漢東邊溝水注之循古蘭村屯村至樂才橋一水出東靈山經覃成村六道村下至明月村野梨山夾所出之水沿橋塘村中團村東來注之更下流至龍頭橋一水出古星漢經寺村蓮花村下至大濃橋而楊柳山夾所出之水經中楊柳下楊柳沿橋屯坳西來注之合流至龍頭橋而諸水合成一水經木苗村沿灣龍橋出樂才河口入於麥江此其灌溉之利也水足於北下里故田亦腴於北下里然亦傍古星

象州志

上

紀地

五

漢者稍可耳寺村地可種藍故寺村壩常出龍

北上里圖

象州志 上 紀地

三

北上里圖

南

東

西



象州志

上

地紀



北上里圖說

北上里地與安中里接壤水亦承安中里下流其爲灌溉較易牛路江之水一接安中延朱背分支經要村過都金塘沿荷貫村一接安中王章等處下流經太平渡沿都選村並至獨崖山爲滙管化流下之水注之至古月村巴峽所出之水又注之合流至大馬壩下大林及朋容壩落脉江之水一與古磨村下流至白歇壩至馬鞍山脚滙一與那符村上接經雞德村亦至馬鞍山脚滙合流經白鶴村那利村法寺村至大林村朋容壩之水注之合爲一江經羅秀墟至屯村分爲二一出架村里教村下至樂才河口

象州志 上 地理

三

一由那祿村背沿烏來壩至樂才河口合流下三門灘至三里墟經雞冠灘下麥豆渡口至六里流經北下里之料田古音平等村至大有村與水晶墟流下之水合流至運江入象江水可灌田亦可通舟運載便於他里

安中里圖說

象州獠洞十有二安中環其六曰滴水獠曰古城獠曰大
機獠曰古凍獠曰六蒙獠曰黃茅獠山勢巉巖際天人跡
罕通水源獨遠一出聖塘山派流榕洞一曲至滴水又一
曲至硃石獠下老虎潭沿六甲獠數曲至合江及巡河廟
前入內地分左右流其至黃岡渡者又分左右流一由芳
村及謝官村旁之章四橋再沿鄧村至北上里之牛路橋
一由西河村及廷朱村旁之王章渡再沿牛祿嶺至北上
里之牛路橋合流至獨崖山下匯大江一出江西壩接東
安里之百丈江亦分東西流東沿白衣寺經燈盞村下大
藍橋過仁義渡至於羅漢巖西沿三斗村經花黃村過興
化壩與東流至於羅漢巖之水合又下而與北流至獨
山之水合水勢趨下田塍積高灌溉必資堰壩而高四尺
闊六尺長三百餘丈之江西壩尤費云

東安里圖

象州志

上

紀地


三

東安里圖

南

武宣界

桂平界



東

三帽山

金皇山

五女山

獠

古滿

大檢

抱

下

東

下

練

馬

新

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

下

西

象州志

上

地理

北

三

東安里圖說

安上上半里安上下半里夾東鄉里於中山水交互四里參差同治九年清查沿東安堡之名并爲東安里六旺嵒山玉田嵒山障其東南平南私路往平私路又繞其東南州中最鄰安之境也水以大樟江爲幹以百丈江爲委其水南出經古董村古朋村三更村沿靈雲寺至大樟橋一水由分水嶺出東温村滙玉田村之水流至甕口村經奔騰村過五穀廟南注之一水由龍化山出經甘侯王廟沿古車溝東注之一水由大平山出經古凍村古樓村過大澤堡入黃有溝東注之合三水爲一水至馬進村分爲二

象州志

上
紀地

夫

一東出至高靈寨經易村過那沙橋滙於甘洋嶺一西出至三漣等處滙於甘洋嶺爲甘洋渡自長烈山出之水沿長安村區村西來注之自金童玉女山出之水至都了河口沿石記村東來注之滙於甘峯嶺合流爲甘峯壩自都了河口分下之水至東安堡等處經那莪村高山村又注之自此以下名百丈江水之經百丈橋者沿蒙嶺入安中里之江西壩水之灌入百丈垌者沿雷隱山下亦入安中里之江西壩別有上平村之水經柳村下安中里過大藍橋至仁義而滙於百丈江水無大源又多小石舟亦不能通也

化里圖說

東安里在州之東南昌化里在州之東北境最曠遠田亦膏腴賦乃輕於他里後以增賦非復前之荒棄耳東隣四嶺崗曰六甲曰硃石曰長洞曰金村今易二名曰橫雷曰金秀中為大樂墟設湖門可與大樂流所以取道而扼險也其水只二源末合為一流一自長洞嶺山出至落脉河口分支一由長滿洞經平地村過王村又經那扶村至馬鞍山下安中里河西之水南來注之合流至羅秀墟與大樟諸江會入運江一自修仁七排嶺山出由那磨村沿下里村過龍興村至龍興山下落脉墟分出之水經那

象州志 上 地理

三

同村那嶺村南隘村南來注之六貴村所出之水經新村吉甫村龍興村東來注之合流經甘棠村古院村上村竹山村會水晶墟之水西下並羅秀墟之水俱至大有村入於運江其流之經緯最了然

卷之

西鄉里圖

象州志

上
地理

西鄉里圖

北

三

馬平界

鐘石界



西

東

西鄉里圖說

州之西限一江江之西爲一鄉上界雒容之運江墟下界
武宣之石龍墟地長而狹稍西卽馬平縣境矣山石林立
山水帶繞畝田多而禾田少元時覃仁用爲土舍今著姓
惟覃氏一族土田亦屬覃氏一家雖後來土客雜居猶有
土司風氣焉水之入象江者二入紅水江者一入馬平界
者二其出呈村漢者滙簡村漢合流經盤龍村沿六社村
至喬堂村龍欖灘之水北來注之合流至巖村入象江其
出上茂者經大蕩村木貴村過都洛塘又經龍門村香爐
村至廷要村入象江又一水自古路村藕塘出東滙洞村

象州志

上
紀地

三

之溝水西滙竹官村之山水流經靈漢村東岸南岸村木
門村冷屯所出之水經六角村至牡丹村北來注之合流
過馬平墟滙木懷山所出小水過龍興滙龍保漢分支小
水過狼村又滙尖山巖所出小水合流經背嶺村發冷村
至龍座村龍巖黨村貫村各處之水至高洪村又北來注
之合流至沙腰村入於象江又一水自大蒙村出經朝陽
橫水新堂大利大塘等村沿四家村下青凌村過屯拱村
至白藤溝入紅水江其入馬平界者一出思柳村之水滙
莫村之水北流至馬平之下送村一出那恩村之水滙古
路村之水西北流至馬平之白羅村皆夾山小水也高者

不能通舟低者不能灌田居民間以獵禽為事

象州志上 紀地

三

山川之名勝壘率之雜布雖人所著本地所有也至城池
梁驛路衙署祠廟樓臺等別由人建邇有時廢與亦以次各
附於其後有古記甚詳而志未收者有舊志頗具而今無攷
者開為參訂或加辨論俾後之人不致疑而不能指實又不
可刪除者則收入紀地中可互證焉

象山 在縣西五里山形似象因以為名土人

象臺山 近柳州界去州三十里平地突起巖然一臺四望平

州為象
臺云

聖塘山 離城一百里石山高峻人莫能登昔有一藤蔓垂地

龜猿猴至多桃李環之孺
人歸語藤折莫育至者

象州志上 紀地

三

貓兒山 與西山相連形狀如貓

馬鞍山 在城西四十里

石牛山 離城百餘里極高峻常有雲霧鎖結天

居鹿山 在城北四十里有鹿池水九域志云天欲

白面山 順流至城五里近南山寺石壁屹立橫截大江江水

至城當作
沛流至城

甘視山 離城四十餘里林木陰邃溪水交流

覆載山 在城東百里有

道者山 離城百餘里係石山

雷山 在陽壽縣東百里舊經云雷山

右輿地紀勝所載山十有二舊志所載僅同其四餘則無
又象臺本山名非臺名故曰平地突起巋然若臺舊志乃
以入古蹟亭臺門尤誤也

五馬山 在州西北隔江三里奔騰

筆架山 在州南二十里形如筆架

獅子山 在南鄉里金雞村高仰若獅

寶雁山 在西鄉里上

龍女山 在昌化里上

甘古山 在州南二十里

石人山 在西鄉里香爐村上

象州志

長列嶺 在東鄉里離城六十里

大圍嶺 在南鄉里離

大歇嶺 在南鄉里離

象鼻嶺 在州西

烏嶺 在北下里離

甕嶺 在北下里離

風火嶺 在北下里離城三里

石門嶺 在北下里離城十里

文筆峰 在城西南十五里尖

雞心峰 在城北

右以山名者七以嶺名者八以峯名者二舊志所列古記
未有然如宋史所載孫繼鄴破賊於大烏嶺則已見烏嶺
今有大烏村離城殆四十餘里又在南鄉不在北下耳

龍巖 離城七十五里深遂清冷一石壁壁
白有龍形印於壁上鱗角爪牙悉具

寺巖 離城七十里平地可坐百餘人石
壁上水乳滴成人像儼然一道士

燕子巖 在城北迤流十里許近出巖中巖中空洞可
容數十人多有燕窠下有碧潭舊號龍潭山

六祖巖 在西山寺後磴道盤紆石穴空嵌可容數人塑
六祖像其中舊志云有石刻六祖巖三字

大王巖 在城東八十里來賓縣界兩處相去九
十步舊經云偽詔竊據日為聚集之所

右巖五見輿地紀勝舊志只有六祖一巖無所列四巖

金雞巖 在州治南西鄉里離城二十
里有民居上刻龍巖二字

象州志 上 紀地 美

半月巖 在城北巖臨江
岸形如半月

三仙巖 在州北
十五里

鷺鷥巖 在州南十里有石如鼓御
史呂景蒙名曰石樂巖

象真巖 在象山有石刻
象真巖三字

文昌巖 在五馬山後有張
公題文昌洞石刻

石人巖 在石人山巖臨江岸舊有石級近地難於
登臨內多石刻疑即古誌所載歸隱洞

落才巖 在落才橋側

羅漢巖 在仁義江邊

沐恩巖 在北下里
木恩村

仙女巖 在北下里熱水村即古誌所謂
丹洞上有石刻仙女巖三字

右巖十有一據舊志臚列未將石刻摸搨其中有土人不得其處者如鷺鷥巖前者州人呂公曾名之後者黔中周子際華又紀之事詳所著一畝錄中謂至象州鷺鷥巖舟裂石灘幸遇救得他船而進夜宿金雞汎按金雞汎去州南二十里鷺鷥巖在州南十里據地之遠近求之當有確据而訖無採訪或又妄以城北之燕子巖當之尤可笑矣

陽水元和郡縣志在陽壽縣

靈泉水在陽壽縣東源自靈泉臺涌出東至武化縣合流出陽口鎮九域圖九域志皆作龍泉水縣境遞移地名屢改遂不能指其處

溫湯泉在陽壽縣東二十里洞出武單里洞心石穴水常熱可以熟物即舊志之濮泉今云熱水

象州志上紀地

三

人德泉在州城報恩寺今無此寺

龍舌洲風土記云西北江心生龍舌南山不來接過城五里龍舌平科名始達朝廷舊志有牛角洲又有龍舌洲在城西

北隅

歌合溪在縣東南源出潯江大立山縣前溪謂舊武化縣今延賓驛前溪是也縣境久廢溪名莫詳

右水二泉二洲一溪一俱見輿地紀勝舊志有溫湯泉而

異其名有龍舌洲而記其處

龍角池在城內正北隅舊志署後有石第二柱尖起如所有記今廢

仙女池在天蓋山獨傲二女飛昇處

白蓮池在城東北隅里許當即今尹家塘

火星塘在城內北隅

大蓮塘

在北下里
村蓮極茂

五潮泉

在北下里六漏村其水有潮如海每日五次故名潮至則盈溢微田退則清淺細流

木鸞泉

山西鄉木鸞山頂

大樂泉

在昌化里大樂村前水清澈冬溫夏涼數里田畝悉資灌溉州東水利以此為最

北關泉

在城北半里水清味美

南橋泉

在城南半里

東泉

在城東半里

青潭

在象江十里

右池三塘二泉六潭一見舊志其流入象江諸水若七軍

江十里江熱水江橫橋江落才江大樟江百丈江仁義江

象州志 上 紀地

旱

香草江羅脉江下里江運江已詳其源流於各里圖說故不贅至水之際有所謂崖者如銅盆崖金灘崖之類水之旁有所謂洲者如牛角洲雞籠洲之類水之底有所謂灘者如麻子灘野鬼灘之類皆此象江上下數里地耳多為之名莫紀其勝故削焉

天蓋晴嵐

玉屏曉翠

聖塘仙境

濮水名泉

象嶺春雲

牛潭秋月

東岡夕照

西浦漁歌

右俗所標八景之套也宋畫家偶為八景之圖如洞庭秋月瀟湘夜雨本無定景亦無定數不學者攔以入地志強以編名勝俗子又妄為題咏惡劣庸吝不可向邇故聊載

其目如此

橫橋墟 在北下里離城三十里
道光十五年甲午散

寺村墟 在南鄉里離城五十里

中平墟 在安山里離城七十里

大樂墟 在昌化里離城九十五里

三里墟 在北下里離城五十里

馬平墟 在西鄉里離城五十里

麻子墟 在北下里離城三十里

羅秀墟 在北下里離城六十五里

河朔曰集滇黔曰場兩粵曰墟柳子詩云綠荷包飯趁墟

象州志 上 紀地

人是也商賈所集朝夕所需近者皆於此取足別有古城

墟在南鄉有屯田墟在西鄉久散矣故不列

總埠在城內南門大街子埠在仁義江頭

鹽法屢改鹽引不行姑存其舊名於此

象州唐以前無城張籍詩青上海上無城郭惟見松牌此象

州是也未以前當有城曹利用斬陳進賊時守城者苦乏水

是也舊志於初始者已無攷僅從明始故亦從明始焉

明洪武間始築東西南北四門是前並無門也成化十四

年守禦都指揮楊觀始建東西南北四樓是前尚無樓也

嘉靖九年知州林益請於總制林富發帑撤舊中樓改砌

磚石是前亦土城非磚城也相沿數十年萬曆十三年知州李維岳重開小南門改爲進賢門因洪武間開而旋塞故也增建一樓後圯至

國朝康熙六十年知州江莪重建雍正三年知州陸廷光統爲捐修乾隆二十年知州蔣曰萊又重爲修葺今計其丈尺於後

城高一丈八尺濶一丈周圍五千九百五十丈城口一千六百四十五城門五東曰賓陽南曰鎮南西曰朝江北曰象臺小南門曰進賢池濶二丈五尺深一尺

道光十一年後知州林士端重建東西樓後燬於兵燹

象州志

上

紀地

里

道光二十年後知州董振鈞重建南樓後燬於兵燹

同治二年後知州洪光岳重建北樓未及竣事

同治八年後署知州李世椿重新修東西南北四城樓東有重關在外者折而南出今撤去直向東出

象臺驛在南門外明時設 國朝裁

東路旱塘由州城二十五里至青山塘二十五里至寺村

塘三十里至普金塘二十五里至大樂塘三十里至鵝村

塘共一百三十五里與平樂府修仁縣交界俱山路

西路旱塘由州城十二里至都落塘二十里至狼村塘十

八里至二墩塘共五十里與馬平縣交界亦山路

南路旱塘由州城五十里至牛關塘與潯州府武宣縣交界亦山路

北路無塘五十里至波羅村與雜容縣交界

南路水塘由州城十里至南沙灣塘二十里至金雞塘共

三十里與潯州府武宣縣交界

西北水塘由州城十里至野鬼塘十里至巖村塘十里至

麻子塘十五里至蓮江共四十五里與馬平縣交界

東關在城東門外久地

南關在城南門外久地

北關在城北門外久地

象州志上

紀地

杉朗隘在州南門外十里

狼村隘在州西四十里兩旁石壁中穿一徑為西鄉要隘

古董隘在安上里離城九十里

南隘在昌化里離城九十里

廣濟橋在城外東

雲錦橋在南門外洪武十一年建久地

十里橋在城東十里洪武二年建為州東各里通衢

土橋在城南三里許洪武二十年建

城旺橋在北下里離城東北隅十五里明萬曆年間建乾隆十年重修

鳳凰橋在州城北十八里

石鳳橋 在州城東北

熱水橋 在州城東十八里

廣化橋 在州城東六十里 元泰定四年建

橫頭橋 在州城三十里 宋淳熙十年建 為東鄉南

通濟橋 在州東北

東安橋 在城東六十里

落才橋 在州城東四十里

中平橋 在州城東六十里 雍正三年 倡建

大樂橋 在州城東一百里 雍正七年 倡建

沙江橋 在州城西四十里 雍正十年 重建

象州志 上紀地

上楊柳鞏橋 在鄉南

下楊柳鞏橋 在鄉南

大濃鞏橋 在鄉南

龍頭鞏橋 在鄉南

慶壽鞏橋 在鄉南

綠繞鞏橋 在鄉南

大章平橋 在鄉南

百丈平橋 在鄉南

韋四平橋 在鄉南

王章平橋 在鄉南

右前列橋十六本舊志書後列橋十本采訪冊

西江渡口在西門外為州治水陸要津向係土砌沙隄水漲則泥湍險隘每有顛溺之患水落則高峻數十丈勢陡難行諺云象州武宣挑水上天即此乾隆二十二年知州蔣曰萊捐俸鳩工創為石馬頭高五十餘丈逐層安礎以固隄工中造月臺盤曲而上以緩水勢波濤雖險衝決無虞後水漲者屢沙積其半同治九年署知州李世椿復鳩工平治之

象江渡 在北門河下 官渡經費

甘陽渡 在東安里 義渡經費

百丈渡 在東安里 義渡經費

象州志 上 紀地

畢

王章渡 在安中里 義渡經費

右前二渡据舊志書後三渡据采訪冊然尚不止此

象州治屢移其處州署亦屢移其處元大德六年建於城西

門高邱西偏城垣 國朝遷於城東門大街西向堂戶蓋因

明總兵孟宗文故宅也康熙五十七年知州楊以牧始增葺

吏舍乾隆元年知州張昕始規成衙署鼎建頭門儀門各三

間大堂二堂各三間三堂五間內宅三進共十五間花廳三

間書房五間左首吏廨六間羣房瓦屋四十餘間計得圍圓

二百一十六丈

乾隆六年知州沈嘉徵修葺增班房二間川堂一座吏舍四

間

乾隆十七年知州郭芝建土地祠於大堂左吏舍旁

乾隆二十一年知州蔣曰萊捐修川堂煖閣吏廨

道光九年後知州鄧祥麟改西向舊規爲南嚮新署制度勝於前而工程不及前至道光末咸豐初盜賊竊踞兵燹屢經一切蕩然不但舊規不可識新署亦不可識矣

咸豐十一年代理知州王錦蒞任於橫橋墟寄居於北極廟劇賊旣退謀入城招集流民草創大堂三間頭門三間未竣事遽卸事署知州曾行恭因之至次年四月始加修葺移入居住後數年知州洪光岳略增飾之仍因襲之未具廨署式

象州志

上

紀地

興

也

同治七年署知州李世椿始外增儀門三間中增川房一座後增內宅三間左旁增吏舍一間右旁增花廳一間

學正署明萬曆十三年知州李維岳建久圯雍正五年學正蕭禮讓在崇聖祠西建瓦屋四間

訓導署明萬曆十三年知州李維岳建久圯雍正六年訓導黃龍德在崇聖祠東建瓦屋三間草屋二間雍正十三年訓導陳先彝又建草屋三間

道光末年燬於兵燹同治初年漸謀葺治先成明倫堂三間左右兩齋分寄左右兩間同治五年後學正周啟申署訓導

甘乃榮又於明倫堂後蓋內宅三間明倫堂前成頭門一座而西偏舊址亦爲西齋葺治有瓦屋三間

吏目署原在舊州署東久燬後建於中城街前後二座每座五間東西廂房二間吏房一間俱草舍乾隆元年知州張昕吏目龔州煜捐俸易以瓦道光末屢經兵燹權於甘王廟寄居同治八年署知州李世椿與吏目孫立三謀復之成瓦屋三間頭門三間

巡檢署駐龍門寨在昌化里離城八十里地後移住北門內大街乾隆十八年知州郭芝復歸昌化里建前後兩座頭門廂房吏廨共瓦屋十間兵燹後草創仍具規模

象州志

上

紀地

署

城守署在城東北隅明洪武二十四年千戶尹鎮等建前後兩座各三間大門儀門各三間旗纛三間俱草舍 國朝末識何年易瓦屋兵燹以後瓦礫無存同治八年署知州李世椿與千總湯衍藩謀復之頭門南向廂房北包中爲正屋三間

行臺在州署二堂後一座三間頭門一間乾隆十七年知州郭芝建前改署以後猶留此屋兵燹以後遂亡此址

倉廩各十八間在州署南雍正三年知州張昕重修倉前君子亭一間知州楊以牧建今不存

庫一間在州二堂右改署後已廢兵燹後不存

獄一所舊在州署西北久圯 國朝建於州署南一座三間
雍正四年知州張時添建圍牆乾隆六年知州沈嘉徵增建
耳門兩座窩鋪一間二十二年知州蔣曰萊添建內監道光
後經兵燹俱圯

養濟院一所乾隆元年奉文建造四年知州祖承祐鼎建於
南門外瓦屋六間額設孤貧六名十七年知州郭芝吏目丁
秦捐俸重修道光末經兵燹不存 按据李維岳列傳則實
李維岳創建至祖侯乃移於南門外

州城大街下有司憲坊爲明清建也州城大街中有鎮州坊
爲孟宗文建也南門外有理學名儒坊爲呂景蒙建也今圯

象州志 上 細地

景

無基址可認屹然建於後者間有進士坊及節孝坊一故不

一一詳載

古州縣以設學為主而立聖廟於其中今州縣以立廟爲主而並無學舍在其外各記文指孔廟爲學宮固非實各志書列孔廟爲學校亦非實也後之稱教士者第作新牆宇整飭祭器繕寫神主卽以爲加意學校試問有絃誦之舍否乎有講習之堂否乎是亦觚不觚之類矣故不別爲學校之目而特以冠祠廟之首

象州學賢宮孔子廟唐大曆十二年始建於城外東南隅明洪武二年改建於城內東南隅始移者知州李永繼修者知州李良弼 正統五年巡按朱良選屬知州何敬章建

象州志 上 紀地

完

嘉靖十二年知州林益增建明倫堂

嘉靖二十三年署州事陳陵增建啟聖祠其後祠廟俱圯

萬曆四年知州謝一楓重建

萬曆十三年知州李維岳捐修 有記

國朝康熙四十九年知州張天訓修大成殿兩廡戟門櫺

星門啟聖名宦祠鄉賢祠 有記

雍正元年改啟聖祠額爲崇聖祠額增立神位及祭器

雍正三年知州陸廷光修明倫堂

雍正五年學正肅禮讓重修宮牆

雍正十三年知州張昕重修建

乾隆十八年知州郭芝學正劉用訓導黎秉介偕士

建明倫堂三間頭門一間

據舊志張公重修記文乃謝象超撰不過修其廢缺李公重建記文乃徐濬撰實能拓其規模記畧云兵巡道郭公棐首捐六十金命侯經營其事大成殿四楹拓為六楹前為庭庭東西列兩廡闔以戟門又前方數武乃櫺星門門外滙為泮池視舊蓋大改觀矣殿之左則建明倫堂廟舍凡門臺馳道循次而庀具焉啓聖祠專設於殿之背若名宦若鄉賢齋宇相地而區分秩如也於一亭以聖謨在焉特於殿之西進賢門以風氣關焉乃徙易於學之南以至木石發瓦塗茨繚垣慮無不周備無不飾已工始於甲申之冬考於丙酉之春既樂而釋奠於廟州之人曰自有郡以來蓋亦狃見也已云云

嘉慶間遞有增飾道光末全為燬圯蕩然無一椽一壁之

存

象州志上 紀地

卷七 三

咸豐三年代理知州王錦倡率修建僅創大成殿及明倫

堂遽卸事未及竣

咸豐五年知州洪光岳重為修補乃具左右兩廡及崇聖

一祠而文廟之規制復完

象州義學象州書院亦建置之事祠廟之規也附於後

雍正元年知州徐德秋創建義學於城南隅未幾而傾圮

無存

雍正四年知州陸採重修義學於城南舊址未竣而調任

以去 有記

雍正八年知州孫嵩乃捐廉俸終修葺其自記云前此

楹左右兩翼雖甚樸素而苟完苟美可蔽風日較前此之傾欹不整者大相懸矣

乾隆二十七年知州李宏潛遷城南隅之義學於城西之高邱卽象州舊治也自記歷引石鼓書院鹿洞書院應天書院嶽麓書院以爲義學蓋仿書院之遺意其實卽書院之始基故朱公佩蓮作序直名以象臺書院後改名爲象江書院規模宏敞膏火充裕百餘年來誦讀其中者皆公賜也

節錄新建象州義學自記文夫州縣建立義學蓋亦摸仿書院之遺意而變通之者其生徒不必皆大成凡以期於檢束其身心而充廣其聞見余守象之明年度地爲宮以處鄉之願來學者又慮膏火之乏貲也捐俸爲

象州志

上 紀地

三

置田若干畝歲取

附督學使者朱佩蓮象臺書院序象桂州縣皆沿先秦郡名而權設於此臨桂縣並無桂蠹之生而象州亦乏象輿之出秦象郡卽漢日南郡之象林縣永元間詔賜穀食復其民者非今象州今象州乃漢鬱林郡之桂林縣也後人泥柳州詩山腹雨晴添象跡之句以爲象州左証誣矣嘗觀舊州治所有象臺一方高出地表後人疑爲馴象之地豈知四望平遠古者望雲氣以察災祥必有觀象靈臺竊意吳太守陸績注元象圖於鬱林猶陳顧野王著輿地紀於吳郡著地輿地紀者名書墩注元象圖者名象臺流傳芳躅彼此一也今州東香草江猶生鬱金香草郡名因之公紀於是乎觀象而謂此隆隆之臺僅以教兒調小象者耶甘泉豫夫李刺史來牧是邦承其先才叔遺治猶多鬪訟喜嬉樂乃威愛兼施良懷姦畏加意振興斯文薰以禮教州故有義學在城之北榛塞湫隘豫夫見而蹙然謀遷爽塏僉曰城西舊州治宜且面貓虎而回頭負蛟龍而峙角占潭江勝勢下瀉爲濤下地無過此者豫夫欣然遂從輿論移建象臺鳩工庀材爲之敞講堂增學舍美哉輪焉美哉負

焉並捐貲置產爲師生束修膏火資罔但不可多觀者也工
視學於此所曰想望於賢牧守而不可多觀者也工
竣來乞余名余曰此雖義學而祿有四大書院規模其
即以象臺書院名之可乎夫象臺之設觀乎天文以察
時變也書院之設觀乎人文以化成天下也移書院於
象臺天人之文胥於是乎觀矣揚子雲謂通天地人者
謂之儒可徒事佔畢之功而不務乎貫三才周萬物耶
州之知學自公紀始柳子厚繼之公紀以詩書造士從
者雲集江嶺間成進士者得子厚指授爲文章皆有法
度其習詩書能文章亦蔚矣兩宋間科名鼎盛有謝洪
謝澤兄弟同成進士先進清芬濡染梓里二謝之風扇
焉迄今人才蔚起文運重開且有文史足用和其聲以
鳴

國家之盛者矣諸生可不爭自磨濯况今日之遭逢更有
易於昔者我聞二謝讀書無地深入雙鬢山巖手憑石
案其辛苦如此今以賢刺史廣勵學宮高開閤厚牆垣
給餼廩資楮墨培養如此優厚所望諸生以遠大白期
茹古涵今研經博物庶幾作爲文章胸羅星斗手抉雲
漢天人之文彙而爲一俾寰海以內則而象之則此書
院也可方唐李渤白鹿洞而教條自我文公設之者豈
象州志 上 紀地 三

徒觀謝園扶疎堂寒光亭
僅以供名流吟賞也哉

道光末年劇賊入城焚燬積爲穢墟

同治九年署知州李世椿復象江書院爲象臺書院制如
舊而加麗前爲頭門五間中爲講堂奉文昌五間後爲居
宅奉魁星五間左翼上下各三間右翼上下亦各三間皆
廠之以爲考棚講堂之前爲槐音亭當老槐樹下頭門之
前爲照壁嵌靖盜碑記繚以周垣數十丈設東西轅門備
內外廚籠郡人鄭獻甫撰記文多不錄

別有猗猗義學在安中里中平墟雍正十三年知州張昕
建尋圯乾隆三年知州祖承祜重建六年知州沈嘉徵修

葺每年赴藩司領經費十二兩乾隆十五年裁

關帝廟在城內南門街雍正九年知州孫嵩建乾隆二十一年知州蔣曰萊重修道光末燬於兵燹

蔣修有記其畧云象州南門關帝廟僉稱爲雍正九年
前知州事孫公所創建豈前乎此者竟未有所建立耶
抑年久傾圮重建未遑都人士遂以目前之舉爲創始
之役耶甲戌余牧茲土相距僅三十載而上漏下濕東
倒西欹已至於此不急修葺傾覆立見爰捐俸庀材鳩
工重建大殿三間東廊三間西廊一間五王殿一座三
間又修整頭門一座經始於乾隆乙亥孟冬
落成於丙子仲春計五閱月而工以竣云云

同治九年署知州李世椿重建

小教場在東門內寬九丈長五十九丈演武廳三間久圮

文昌閣在北門外明萬曆十三年知州李維岳建臺一座

象州志

上 紀地

三

臺上建屋前後各五間上爲文昌樓下爲觀音閣閣下兩
廊各三間閣前建堂五間堂前照牆三堵甃以磚石西面
大門三間圍以土牆有祭田因閣圯併歸拱宸樓管理

城隍廟在城南門內原建年月無攷康熙五十六年知州
張琦翊建有記係在東岡嶺寂照庵地故其文有培山植
樹招以僧人庶香烟永賴接引無窮也云云則原建必在
康熙四十九年以後至移建則無攷或知州江莪爲之在
康熙五十九年以後耶乾隆二十一年知州蔣曰萊重修
無記道光末燬於兵燹

同治九年署知州李世椿重建

雷王廟在東門外里許原建年月無攷雍正十一年孫嵩
重建乾隆二十一年蔣曰萊重修

甘將軍廟在城內西北隅祀甘氏叔姪二將軍

白袍廟在北門內祀唐流寓薛仁貴久祀

楊先生祠在學宮東宋嘉定間建祀提典刑獄楊方明有
記係毛伯溫撰久圯

按此祠今無攷此記亦未見宋時秩官知象州外有通
判有推官有司法與司戶參軍無此台司以監刺史抄
舊志至是而疑誤後閱王象之輿地紀勝載張維廣西
郡邑志云提刑舊置司象州故曰象臺乃恍然於其功

象州志

上紀地

五

德之在此故有由也因知臺之名由司而名不然第如
舊志說取離城數十里之山與城中數十丈之邱以當
之似未確矣

昭忠祠在城東門外同治九年署知州李世椿捐資二百
緡創建祀破城時殉難官紳士女付各子孫經理

神祇應在人鬼之先而壇壝列於廟貌之後從建置分
也

社稷壇舊在象江西岸明萬曆十五年知州李維岳遷於
北關外

國朝雍正十一年知州孫嵩重修頭門一座內主壇拈四

面圍以牆

山川風雲雷雨壇在大南門外離城里許明萬曆十五年知州李維岳建久圯雍正十一年知州孫嵩遷於雷王廟後

先農壇在小南門外沙子嶺壇高二尺一寸寬二丈五尺祠宇三間大門一座向立礮臺四隅礮外有外牆石塔雍正五年奉文建造知州陸廷光督定其神位祀奉耕田四畝九分穀四石餘

鎮厲壇在城外東北隅地名古車離城里許明萬曆十五年知州李維岳建

象州志 上 紀地

三

祠廟之興廢以神靈爲主寺觀之建置以名勝爲主大都昔有而今無者爲多茲據舊志所載者列之壇廟後而舊志未載者收入紀故中

景德寺在城南里許今圯

寺村寺在寺村塘

長峯寺在安中里謝官村

明月觀在南鄉里明月村

元妙觀在長德寺旁久圯東郊迎春在此又名三清觀

據舊志載慶起潛重修元妙觀記曰象州城南百步外有觀曰元妙按郡志舊名景福至大中祥符間改曰天慶元貞元年間改今額以奉聖祖歲時長吏率僚屬相謁凡迎春寶典諸大典咸集於此又云循神古碑乃知

國朝洪武十三年道士黃志廣募緣重修成化十年重
新之宏治五年又葺之云云紀事頗詳詞氣未清蓋此
觀在宋時名景福名天慶以奉聖祖象作長春節故也
元時改爲貞元觀又曰三清觀則別奉道教不奉聖祖
矣故洪武初乃道士修之至於迎春別有迎春
亭建於李宏清卽此觀之址也李有記不錄

寂照菴在州城東久圯

雷山寺在雷山上燬於賊同治初鄉人重建修

大雲寺在大蒲村燬於賊同治初鄉人重建修

崇壽寺在屯盤村同治初重修

三教寺在路道村同治初重修

上四寺舊志未列採訪冊新收

鎮南樓卽城南門樓祀關帝 再修見前城池

象州志 上 紀地

卷

瑤光樓卽城西門樓乾隆八年知州沈嘉徵建祀天后 再修

前見

拱宸樓卽城北門樓明成化十四年守禦都指揮楊公觀

建祀北極 再修見前

其山多麀麋其貨多珠犀其田多玉粒昔之誌吾州者有

是言縱橫百里何處生珠上下百年何時見塵惟稻之可

炊者糯之可釀者稍覺勝他處耳此非生物之變卽紀事

之妄也今卽其著名者略記之鬱金之香百合之粉黃精

之藥亦復尋常無幾至於鳥獸竹木之類凡屬同名都非

異產而前朝乃有翠羽之貢殆不可解若西鄉各村時獵

得鹿西門大江時網得鱗則皆由他處偶至者非其產並
非其常矣今附其名於紀地之末

人面子樹葉似龍眼而長也古紉俚人績以為布尚書云島夷卉服此也

右二產見樂史太平寰宇記

紅白稻品第一五月種九月熟

豬米種植易生亦有紅白二種八月實者曰早粘九月實者曰晚粘人久食體瘦民俗多以飼豬

蒙豆有夏秋二種三月種而五月熟者名夏蒙豆七月種而九月熟者名秋蒙豆

香草出安中里及東安里

象州志 上 紀地

五

一枝箭生於曠野葉青花黃直幹無枝能治疔毒及蛇傷
刀鎗藥生牆縫中葉細花黃能止創血

百合形如蒜瓣可作蔬可碾粉

金銀花能敗瘡毒

李味甘美通志載出象州者佳

柴胡 桔梗 黃精

斑竹出聖塘山

楠木 樟木 松木

蓬竹易生而不堅實以之作蓬故名

貓相傳州有貓山產最善捕鼠

香草魚出香草江以江岸皆香草魚食之肥美

右二十品據舊志列其實稻種雜糧果品雜木不止此特與他處同則不必載也

唐陸羽茶經八之出載嶺南所生有福州建州韶州象州雖其履綦未到品評未詳要必宜於茶可知也近有種於荒僻高峻之地者採之雨前皆屬佳品

象州志

上

紀地

委

紀官第二帙

象州志

紀官

卷二

七

州置於陳隋之際官廡設於陳隋之時而史之所紀無可攷矣唐以刺史領州故有象州刺史宋以京官領州故有知象州元以總管領州故有象州路總管今爲散州但曰知州則自明已然舊志宋時紀官績者有數人明時紀官績者亦有數人而入國朝以來將餘百年才得一人豈在前者以覲而易傳在後者以因而難顯哉志但紀其實任者而不列其權篆者故雖有修復掃除諸善政多不欲自居而人亦不以相係耳今自乾隆以前据舊志秩官門爲表乾隆以後據鄧侯題名碑爲表其學官佐貳武職則尤不能詳然古來如曹利用之領兵范正平之羈管王安中之流寓皆非象州官而列

象州志

上

紀官

象州志者雖千年如一日也豈以表之有無爲憾哉

唐時象州刺史下有司法參軍司戶參軍宋時知象州下有
通判有推官又有司戶參軍司法參軍元明總管外無闕焉
明時知州下有州同州判有學正訓導有吏目
國朝因明制 國初有增員於吏目外有龍門寨巡檢有象
臺驛驛丞有受納倉大使後驛丞與大使並裁遂定知州一
員學正一員訓導一員吏目一員巡檢一員列於表表止書
正任不書署任而有必不可略者則明時嘉靖朝之陳陵
國朝乾隆時之蘇洪亦以署任特書後有繼起可從此例

唐秩官表

象州知州

秦元覽

成 匪

韋 挺 貞觀間任

柳 爽 蒲州解人
顯慶二年任

韋 滂 南海人

雷廷秀

韋敬辨

司法參軍

李楚珪

司戶參軍

王顯賢 乾符間任

象州志 上 紀官

三

宋秩官表

知象州

張仁謙

汝州人五
面行營兵馬都

通判

石安民

紹興間
任有德

司戶參軍

譚式

臨江人

監入宋以平李
繼筠功授
象州刺史

唐承裕

興安人開
寶開任

推官

王世則

永福人治
化初請立

歐陽光

保昌人

司法參軍

趙以夫

何邴

景德中有
勞績遷祠

舊志無據粵
節職知象州
皇太子由是罷

鄧鵬飛

保昌人

象州志

上紀官

四

部員
外郎

周源

慶曆中任

李巖

樂昌人治
平中任

張唐輔

字元禮元
豐間任

李公翊

會華文見
失名

陳雄

長溪人大
觀三年以

朝散大夫

游輔

莆田進士
宣和中以

朝散大夫

江灝

字長卿崇
安進士紹

任 典間

陳大和 紹興間任有傳

唐俊父 紹興間任有傳

陳諒 字友仲 仙遊人 慶元六年任

任 六年

陳大紀 嘉泰間任

林壽公 莆田人 嘉定進士

祝華 婺源進士 由上元縣簿升任

象州

吳必勝 寶祐間任

象州志 上 紀官

汪松 字茂叔 三衢人 開禧間任

任 間

元秩官表

象州路總管

彭應霖

字震卿分
宜人延祐

進士由南寧判
官任舊志誤列

明代

明秩官表

知州

朱良弼 永樂間任

余存諒 廣東肇慶人永樂間任

任

胡敬 宣德間任

何濬 河南靈寶人景泰間任

任

張金陵 正統間任有傳

胡高 成化間任有傳

象州志 上紀官

劉昶 江西人成化間任

曾侗 福建沙縣人宏治間任

任

林紹宗 福建興化人正德間任

任

林益 福建莆田人嘉靖十二年任

作

俞慶雲 福建莆田人嘉靖十五年任

年

向朝佐 嘉靖十七年任

州同

李友 武元年任通志作

賢友

王世守 四川合州人萬曆十年任

任

詹洲 江南婺源人萬曆二十二年任

年

州判

姚貫 浙江嘉興人洪武間任

任

龍文富

黃京 永樂二十三年任後

裁

吏目

陳以瀚 萬曆間任

吳必學 福建延平舉人嘉靖學正

任間

萬人傑 嘉靖間任

陳俊 嘉靖二十二年署任

黃玠 福建漳浦舉人

趙懋貞 浙江蘭溪人

王嘉麟 雲南大理舉人

胡樸 浙江餘姚人

李允宜 廣東揭陽人隆慶元年

任年

譚尙卿 全州人

梁積 廣東順德人

霍桂 嘉靖間任

彭卿 湖廣長寧人萬曆十年

任五年

文應選 湖廣安鄉人貢生萬曆間

任

王熙

鮑如京 宜山人萬曆間任

象州志 上 紀官

黃大猷 廣東博羅人

李成棟 陝西興平人

劉廷膏 廣東新興舉人萬曆

任間

謝一楓 萬曆間任

陳一定 廣東揭陽舉人萬曆

任七年

李維岳 福建海澄人萬曆十

二年任

嚴應恩 字君貺北直順德舉人

吳瑤 臨桂舉人

張綸

覃大猷 融縣人萬曆二十一年

任年

羅良彥

余光

唐挺相 全州舉人

鍾鼎

馮克溫

陳策

人萬歷

梁大材 廣東羅定人貢生萬

任

茹復 廣東新會人天啟

任

吳開

謝三龍

楊世春

周經

李承之

五星

梁方國 懷集人貢生崇正間

任

象州志

上

紀官

訓導

興璵 廣東饒平人

黃希舜 宣化人貢生

甘可應 萬曆十年任

甘必達 梧州人萬曆十年任

羅祖彥 江西都人貢生

曾以誠 梧州人貢生

張厚 江蘇人貢生

任

九

二年任

鄧林

吳璩

駱廷璧

陶經

潘縉

李崇禮

盧志賀縣人貢生盧一作

虞

郭標廣東南海人

象州志 上 紀官

胡所思

徐澡四川開縣人萬曆四

十年任

國朝秩官表

知州

朱英 江西安福人 康熙十年任 此人以前志無效

戴兆龍 浙江慈谿人 康熙十二年任 此人以前志無效

田明琦 山東肥城人 康熙二十二年任 貢生

李之華 字君資 廬黃旗人 康熙二十三年任 貢生

王瑚 康熙二十九年任 貢生

魯國華 康熙三十年任 貢生

柯貞乾 紅旗人 康熙三十六年任 貢生

勞啟誠 字景曾 浙石門人 康熙三十七年任 貢生

周之傑 順天大興人 康熙三十九年任 監生

盛得智 正藍旗人 康熙四十年任 貢生

學正

唐挺相 全州舉人 康熙初年任 此人以前志無效

潘起珠 臨桂貢生 康熙二十年任 此人以前志無效

歐陽燭 平樂貢生 康熙三十年任 貢生

何天祥 荔浦貢生 康熙三十年任 貢生

蘇源 蒼梧舉人 康熙四十年任 貢生

謝鼎鎰 全州舉人 康熙四十年任 貢生

謝象超 全州舉人 康熙四十年任 貢生

黃飛熊 永瀆貢生 康熙五十年任 貢生

鄧毓英 全州舉人 康熙五十年任 貢生

吏目

阮韶 浙江會稽人 此人以前志無效

蕭之華 順天大興監生 康熙五十年任 貢生

姜際隆 山西大同人 康熙六十年任 貢生

馬宗李 順天大興監生 康熙六十年任 貢生

楊世榮 陝西富平監生 康熙六十年任 貢生

嚴震 順天大興貢生 雍正四年任 貢生

周有禮 江南金谿監生 雍正六年任 貢生

吳觀 浙江平湖人 雍正八年任 貢生

冀州煜 山西平遙監生 雍正十年任 貢生

李繼白 湖南臨武貢生 乾隆元年任 貢生

象州志 上紀官

二

吳長哲 浙江山陰人軍功康熙

熙四十年任

張大訓 湖廣通城貢生康熙

四十六年任

茹復 廣東新會舉人○按

此人天啟間已任象州茲復任

兩朝是仕

張琦 康熙四十九年任

楊以牧 江南江都監生康熙

五十三年任

象州志 上紀官

江莪 湖廣漢陽人康熙五

十九年任

徐德秋 江南崑山人雍正元

三年任

陸廷光 江南吳縣監生雍正

三年任

陸探 江南吳縣人雍正五

年任

孫嵩 江南武進人貢生雍

正八年任

二年任

何兆龍 新寧舉人康熙五十

六年任

唐振璽 宣化舉人康熙六十

年任

蕭禮讓 臨桂舉人雍正五年

任

高若柔 岑溪舉人乾隆二年

任

劉用 桂平舉人乾隆九年

任

蔣僑 臨桂舉人乾隆二十

二年任

蔣涵秀 全州舉人乾隆二十

四年任

蘇煥文 南寧舉人嘉慶十七

年任

廖升崑 崇善舉人由知縣降

乾隆三

徐澍 貴州貴築監生

乾隆七

施廷文 江南婁縣監生

乾隆八

譙廷桂 江南高安監生

乾隆十

胡驛先 江南涇縣監生

乾隆十

俞本 廣東嘉應監生

三

乾隆十

丁泰 浙江山陰監生

乾隆十

蕭應銑 廣東平遠監生

乾隆十

林光邦 福建沙縣監生

乾隆十

鍾際泰 廣東高要監生

乾隆十

范廷弼 廣東大浦人乾

乾隆九

張昕 直隸保安 貢生雍正

年十一

祖承祐 正藍旗人 監生雍正

年十二

沈嘉徵 字懷情浙 江山陰人

乾隆七年

陳世潤 直隸定州 舉人乾隆

年十一

郭芝 直隸棗強 舉人乾隆

年十五

象州志 上 紀官

蔣曰葵 江南吳縣 貢生乾隆

十九年

李宏潛 字豫夫江 南甘泉人

乾隆二十二年

蘇洪 江南江都 監生乾隆

二十七年

陸藹吉 江南元和 縣貢生乾

隆二十七年

吳璟 江西南昌 舉人乾

隆三十年

補道光

陳道泰 臨桂舉人 道光年任

陳詠昌 臨桂舉人 道光年任

白杰 臨桂舉人 咸豐四年

任城之難

蔣桂星 全州舉人 同治三年

任

周啟申 靈川舉人 同治五年

任

隆十九

沈錫 正白旗 漢軍監

生乾隆二

劉梅 湖南長 沙人乾

隆二十年

高潮

孫立三 陝西 安府附

監同治

蔣繼興 江蘇人 光緒十

五年

三

巡檢 駐龍門寨

王世遴 浙江餘 姚貢生

康熙四十八

前舊志

侯永貞 陝西三 原人康

熙五十年

趙先煜 直隸保 定人康

熙五十年

吳賦穀 浙江山 陰監生

康熙六十

王引楷 乾隆三十一年任
孟 玖 江南人 乾隆三十一年任

程士範 陝西渭南人 乾隆三十一年任

金 瑾 浙江桐廬縣人 乾隆三十一年任

熊家振 江西奉新人 乾隆三十四年任

李早榮 直隸東光人 乾隆三十八年任

象州志 上 紀官

永怡布 滿洲人 乾隆三十二年任

沐 瀚 滿洲人 乾隆三十八年任

王希曾 江蘇丹徒人 乾隆三十九年任

姚鍾英 安徽保寧監生 嘉慶四年任

瑞 昌 正藍旗人 嘉慶四年任

梁 奕 懷集貢生 康熙初年任

劉萬里 桂平貢生 康熙二十八年任

陳敷翼 橫州貢生 康熙三十五年任

封司弼 容縣貢生 康熙四十年任

邱振榮 昭平貢生 康熙四十年任

袁履貞 思恩貢生 康熙四十四年任

蒙 瑄 貴縣貢生 康熙五十六年任

李春澍 容縣貢生 康熙五十九年任

羅光臨 桂平貢生 康熙六十年任

唐懋行 灌陽貢生 雍正二年任

高 昭 河南人 雍正三年任

蔡多奇 浙江人 雍正六年任

韓昌繼 河南人 雍正八年任

王萬年 順天大興人 雍正十年任

何 榮 湖廣武岡人 乾隆三年任

鄒 鉉 貴州思南人 乾隆八年任

韓佐唐 湖南湘潭人 乾隆九年任

陸維熊 順天大興人 乾隆十年任

傅廷珠 山東聊城人 乾隆十年任

朱一綜 湖北監生 乾隆十年任

朱一綜 湖北監生 乾隆十年任

七年任
牛暹 直隸天津人嘉慶十年任

鮑振飛 安徽貴陽監生嘉慶十年任

李兆梅 廣東新會舉人嘉慶十年任

徐黎勳 直隸天津監生嘉慶十年任

龍舜耕 安徽蕪湖舉人嘉慶十年任

象州志 上 紀官

素珠克圖 蒙古嘉慶十年任

葉楸勳 浙江蕭山進士道光二年任

朱有萊 浙江海鹽監生道光三年任

鄧祥麟 直隸藥城舉人道光九年任

林士端 安徽監生道光十二年任

任
黃龍德 桂平貢生雍正六年任

陳先彝 武宣貢生雍正十三年任

廖之榮 宣化貢生乾隆三年任

陸良興 賓州貢生乾隆十年任

黎秉介 河池貢生乾隆十七年任

任年

王會鐸 廣東瓊州人乾隆二十六年任

五

馮元吉 浙江供事道光二十九年任 咸豐元年殉難

張椿千 山東人監生同治七年任

董振鈞 漢軍人 道光二十年任

孔慶榮 字韻涵 甘肅人 舉人 咸豐四年署

任柳州破殉難

洪光岳 字小禹 廣東南海人 同治二年任

李世椿 字晴浦 江西南昌人 同治七年署任

修復城樓衙署 書院修州志 清田糧

楊咏成 江蘇漢軍 九年任

孫德元 字容勛 湖北東湖舉人 光緒三年任

郭步流 字安瀾 雲南建水舉人 光緒九年任

謝 字慧初 四川梓潼拔貢 光緒十七年任

象州志 上 紀官 夫

官政

本州戶口據舊志載其計一萬三千三百八十戶大口三萬五千七百一十名口內男丁一萬七千九百三十名婦女一萬七千七百八十口小口一萬二千一百五十四名內男丁六千一百二十八名女六千零二十六口原額完賦人丁每丁征銀一錢一分七厘零該丁銀共六百零七兩二分七厘零康熙年間編審增益人丁若干乾隆年間編審增益人丁若干定例永不加賦

本州地稅據舊志載共一千零三十二頃二十九畝零屢奉豁除不成田稅之外尙實徵成熟稅一千零二頃九十三畝

象州志

上

紀官

七

又加雍正年間各生捐納開墾老荒民田通共成熟一千零五頃三十三畝零原額秋糧奉委查勘豁除不成田外實征本色熟米二千一百七十六石三斗九升零丁編地畝四差折糧並增丁等項實征熟銀共三千零八十六兩九錢四分零

檔冊開額征地丁有閏銀三千二百五十二兩二錢九分五厘無閏銀三千零八十六兩九錢六分八厘

起運地丁有閏銀二千四百七十八兩九錢五分無閏銀七百一十七兩九錢零五分六厘

存留各項有閏共銀七百八十二兩二錢三分八厘無閏共

銀七百二十六兩八錢零五厘

起解司庫項下

一解時憲書銀二兩二錢二分一厘

一解停止鄉飲酒禮銀六兩一錢三分一厘

一解本州俸銀扣攤補佐雜荒缺俸銀八兩九錢零九厘

一解祀典支剩米折銀一兩七錢九分八厘

一解歲貢坊儀銀一兩四錢五分五厘

坐支祭祀項下

文廟春秋二祭銀二十八兩三錢一分六厘又香燭銀一兩五錢零二厘

象州志

上

紀官

六

關帝廟春秋二祭銀一十六兩二錢六分二厘

社稷山川壇二祭銀一十七兩零九分五厘

厲壇三祭銀九兩又香燭銀七錢八分

拜賀習儀銀一兩二錢

坐支各官廉俸

知州俸銀六十八兩六錢九分六厘養廉銀六百兩鹽規養廉銀一百五十兩

學正俸薪銀四十兩

訓導俸薪銀四十兩

史目俸薪銀三十一兩五錢二分養廉銀八十一兩

巡檢俸薪銀三十一兩五錢二分養廉銀八十兩
坐支各衙役食

知州門子二名庫子四名馬快八名禁卒八名斗級四名轎
傘扇夫七名皂隸十六名民壯二十八名鋪兵十二名每
名月給工食銀五錢

內鋪兵工食四錢五分皂隸
有八名支米民壯亦多支米

儒學齋夫三名膳夫二名門役三名每名月給工食銀五錢
吏目門子一名皂隸四名馬夫一名每名月給工食銀五錢
巡檢弓兵十二名皂隸二名每名月給工食銀五錢弓兵折
算月給三錢三分九厘零

象州志

上

紀官

九

孤貧六名冬衣銀三兩有閏米折銀五錢六分二厘無閏五
錢一分八厘

渡夫一名有閏工食銀一兩二錢四分六厘無閏一兩一錢
五分

檔冊開額征本色米三千一百七十六石三斗九升五合二
勺

起運兵糧有閏米二千七百七十一石七斗一升四合一勺
無閏米二千七百六十四石四斗七升五合

存留除祀典囚糧各項實存有閏米三百九十七石二斗八
升零三勺無閏米三百九十石零四升一合一勺

坐支各款

廩生十七名每名有閏米四石二斗零一合一勺九抄四撮

共米七十一石四斗二升二合一勺無閏米三石八斗七

升八合一勺一抄八撮共米六十五石九斗二升八合

木鐸一名口糧米三石四斗九升零三勺

鋪兵十二名每名每月工食米四斗五升共米六十四石八

民壯二十八名工食米一百六十二石八斗八升一合

皂隸八名每名每月工食米五斗共米四十八石

斗級四名每名每月工食米五斗共米二十四石

孤貧六名每名每月口糧米三斗給南門外養濟院

象州志

上

紀官

三

附同治九年清查糧冊碑記舊制每里設冬頭每冬設戶頭徵收交納不問花戶惟責冬役民間交易糧畝飛酒遂致錯出不清又在民者有官糧又有私租在官者有實米又有浮糧故有項銀畝銀編銀諸目吏但求其是額不暇分晰民但循為定額不知原委其弊有不可言者今悉改四項糧為一條鞭每米一石納銀一兩米折錢每石四兩五百文銀折錢每兩二千文令各戶賣去私租惟納官糧革去浮數惟納實米以糧係田以田係村以村係里除去冬頭戶頭名目並除去畝銀編銀名色將各里改定疆界即為各里更定賦額要符三千一百七十六石三斗九升五合一勺原額而止其畸零戶日有銀四十九兩四錢有米五十二石不復議軍餘戶日有銀五十五兩零三錢九分二厘無米亦更議蓋軍餘戶主惟編銀佃丁惟納畝銀今既令戶主賣租佃丁買租則承無私租豈可承無官糧故除去編銀畝銀名色而與每銀一兩征米一石者同編四項糧為一條鞭法至地畝屯甲則只有銀並無米毋庸改定所有各里舊額若干新額若干及征收交納過割等款詳列碑陰刊置東門以後可承為式地畝銀一十一兩屯甲銀八兩

常平倉額貯穀一萬二千石

附存捐監穀四百一十三石一斗

附存社倉穀三千五百石

三其穀一萬五千九百一十三石一斗自嘉慶十九年知州龍舜畊病故始至道光十七年知州林士端交卸止中間歷任屬短盤折霉變及提解穀價所存顆粒俱無姑附其數於此

城守把總一員額設兵丁一百名道光初年甘肅添防裁去五名咸豐初年賊匪擾亂又自散多名現在僅設兵丁二十名

象州志

上

紀官

三

分防大樂汛外委一員向設兵丁二十名現在僅設十名

舊志言明設旗軍一百八十七名守城名欵六十五名守各堡兵一百三十三名 國朝撥提標後營守防官一員

兵丁一百二十八名防守城池及分防狼村都落青山寺村督金大樂六汛旗軍既裁堡兵亦裁今據現在檔冊存其畧於此

鹽法乾隆二十三年以前由官辦二十四年以後歸商辦額徵東餉銀一千三百九十一兩二錢五分六厘西稅銀八百六十一兩七錢零四厘

又餘鹽改引二百四十三道四分一厘二毫該鹽三百八十

包應解鹽價銀三百零七兩九錢四分四厘
又勾銷臨桂縣引四百道該鹽六百二十六包應解鹽價銀
五百零六兩零七分二厘

舊志所列額數如此自道光十七年商人麥大可停辦以
後廣西鹽法屢變象州鹽引久停遂無督銷之事

象臺書院產業

舊置業西鄉里廷耀村稅地三十六份半每年收租錢二十
一千九百文地畝銀一錢

西鄉里馬平墟廠地十二區每區收租錢一千二百文每
年共收租錢一十四千四百文

象州志

紀官

三

新置業南鄉下半里龍頭村田一大坳差糶二斗每年收租
穀八千觔

昌化里甘棠長學下里王二鄧池等鄉共有田八十二區
荒田占三之一完糧三斗八升七合每年共收租穀五千
餘觔

西鄉里龍興村有田一十四區完糧二升每年收租穀
觔

西鄉里石龍墟舖屋三間每年共收租錢四十八千文舖
地一區每年收租錢四千文

城中大街舖屋一間每年收租錢一十千文

城東外舖地一區 未經修造

城西門舖地一區 未經修造

象州學制

廩膳生員二十名今定十七名

增廣生員二十名

附學生員歲科試每考取十五名

歲試武生十五名

歲貢二年一名

學田坐落昌化里實徵熟稅四頃一十二畝四分零實徵熟銀二十八兩三錢二分零

列傳

据舊志有名宦傳研唐一人宋九人元一人明十人 國朝一人按紀地方官籍必實有見於此地者乃可列於此傳其偶然經過及大官總攝者雖其人赫赫有名亦當絕之別錄歸之通志不必援以為鄉邑之重也如曹克明功在知邕州馮伸已功在剿宜州唐俊又功在攝鬱林郡陳大紀功在禦鬱林賊烏古孫功德在兩江道宣慰副使楊璟功在平定廣西韓雍功在平定藤峽歐磐功在剿滅六向而曾以誠之造士梁方圖之教士多在平樂非專在象州至孟宗文雖襲象州所千戶亦居象州之總兵官耳似皆不必摭入故輒刪去

象州志 上 紀官

三

而以有實績者列於后

韋挺貞觀間以忠直守象郡善政顯著民稱愛育舊志與王

珪同得罪貶象州刺史 輿地紀勝

曹利用字用之趙州寧晉人累官忠州刺史景德四年知宜

州劉永規馭下殘酷軍校陳進乘眾怨殺永規叛陷柳城縣

圍象州嶺南騷動上以利用曉方畧盡心於事授利用為廣

南安撫使利用辟監泮陽酒稅孫繼鄴與俱南遇賊武仙賊

持健鏢蒙采盾衣甲堅利鋒鏑不能入利用使士持巨斧破

盾遂敗賊引兵趨象州復破之大烏嶺斬陳進撫安其黨嶺

南平 舊志

前獻卿字諫臣歙人爲州軍事推官會宜州陳進亂象州
守不任事轉運使檄獻卿往佐之及至守議棄城獻卿曰臨
難苟免可乎賊至當力戰不勝有死而已奈何棄去初昭州
積緡錢鉅萬獻卿盡用之糴至積穀數萬及是大兵至黎以
饋軍舊志

汪松字茂叔三衢人開禧元年知象州以廉靜稱任滿當更
民懇留詔從之民慮其去乃刻木像以祀之舊志

石安民字惠叔臨桂人小穎銳不凡登紹興乙丑進士爲象
州判官累決冤獄以明恕稱分教廉藤二州士知嚮慕有興
起者喜爲詩同輩評其詩爲雄深已復歸之平淡有文集晚

象州志 上 紀官

知吉陽未赴而卒安民早從路允迪沈晦胡寅遊尤受知於
張浚及汪應辰其後張孝祥帥桂禮遇更異署榜其堂曰瑞
文舊志

陳大和字德容莆田人紹興中知象州虛心聽訟使皆盡其
情民大悅築石橋以便往來洊政三年卒績居最舊志莆田

人紹興初爲守政事餘暇修鬢宇以養士建行館以待客鼎
然一新遂爲壯郡云輿地紀勝

胡高江西安福人成化間知象州恤民愛士建州治修學校
時賊渠法慶種亂單騎諭以禍福懼服就撫不敢動其類以

安舊志

陸敷錫字得承嘉善人嘉靖中知柳州嘗兼州事象有安仁
士舍何公思等嘗言花蘆古陳諸賊稔亂殃民願効死力爲
朝廷除害其實陰肆殺掠洛田陸弄間良民卒被魚肉乃各
聚眾相攻殺敷錫請往諭之至則獨坐公思開筭罪餘黨悉
解去象州以平又王守仁所復斷藤八寨多爲逋逃敷錫
相度要害上當道移置衛所凡十九由是賊失據尋以將母
乞歸 舊志

林益福建莆田人嘉靖間進士知象州端方公恕愛民下士
諸生來質疑者輒爲之講解經旨多賴發明州城昔隨修隨
圯公請於軍門得助金用瓦甃之至今賴焉 舊志

象州志

上

紀官

三

李繼岳福建海澄人舉人萬曆十二年知象州興修學宮建
養濟院造山川社稷壇添設堡汛爲民弭盜修埽築隄壩
禁諸小舟不得攜兵刃入修雒與蠻交易惠政多端象人至
今思之 舊志

張天訓湖廣漢陽人貢生 以熙四十六年任凜功令秉至誠
崇儒重道修建學宮士民 之 舊志

列傳

據舊志謫宦傳有八人流寓傳有二人攷之史或降謫或羈管或安置未嘗降知象州亦非流寓象州也輿地紀勝官吏列九人內如陳大和則實出知象州者韋挺王世則亦貶知象州者惟李宗道薛仁貴范正平張庭堅王安中孫覲高穎屬遷謫羈管耳舊志無李宗道而有柳爽龔夔夫胡夢昱韋厥與輿地紀勝異按柳爽與韋挺與王世則均謂知象州者表已列其名茲別為之傳若韋厥隱智誠洞乃在融州今融縣非象州流寓王安中與孫覲同亦不得為象州流寓也故總附於秩官之後

象州志

上 紀官

三

李宗道唐宗室也高祖時封江夏王高宗永徽初與長孫無忌褚遂良有宿怨誣其與房遺愛善流象州

輿地紀勝

薛仁貴絳州人高宗咸亨元年吐蕃入寇命為邏婆行軍大總管敗於大非川貶象州後召為都督擊突厥於靈州突厥問唐將為誰曰薛仁貴突厥曰聞薛將軍流象州死矣安得復生仁貴脫兜鍪見之突厥相視失色因進擊大破之

紀勝

輿地

柳爽字子邵蒲州人貞觀中屢遷中書舍人外孫為皇后進中書令后廢貶象州刺史坐通官掖謀行鳩毒被殺期以上並流嶺表神龍初復官爵開元中柳渙為中書舍人上言臣

伯祖與與諸遂良等同被譴戮雖復原雪而子孫殆盡惟曾孫無忝客籍龔州願許伯祖歸葬孤孫北遷於是詔無忝護輿柩歸官給喪事後無忝官至潭州都督

舊志

張庭堅字才叔廣安軍人為右正言薦司馬光呂公著蘇軾蘇轍可用曾布駁之因出陳州初蔡京守蜀庭堅在幕府與相好及京還朝欲引為用先令鄉人譚意庭堅不肯往京銜之遂列諸黨籍又坐嘗談瑞華非辜事編管虢州再徙象州久之復故官

舊志

范正平字子夷元祐宰相純仁子也純仁薨有表言宣仁被誣事後蔡京當國謀陷害善良小人附會妄言純仁遺表乃

象州志

上紀官

美

正平與門人李之夷撰造非純仁意正平羈管象州

輿地紀勝

龔夬字彥和瀛州人登進士為御史時章惇蔡卞用事夬極論其惡請正重典又論蔡京上誣宣仁歸咎先帝願正姦臣之罪於是三人皆去又上疏乞正元祐后冊位號崇寧初元祐后冊內廢言者論夬首尾建言語削籍編管房州繼徙象州

舊志

高叔紹興十一年以福建安撫司叅議得責象州穎陷偽十年固窮守節以從岳飛被斥

輿地紀勝

王女中字履道陽山人進士及第自號初寮道人授知燕山

府以遼降將郭藥師同知府事安中不能制張毅據一州附金後叛金來奔金索之急安中不得已縊殺之函其首送金藥師懼遂叛命言官論之安置象州館於謝氏之扶疎堂安中喜依附名流而反覆炎涼頗干清議其交結梁師成蔡攸附和童貫王黼更爲小人之尤其詩文乃典雅凝重絕不類其爲人

據舊志及他書修

孫覲字仲益晉陵人靖康中爲執法改詞臣旋由瑱闖出歷吏戶長貳秀溫各郡紹興間謫象州久之放歸寓桂林覲仕宦鑽營殆不知有廉耻碑版諛頌直不知有是非而其詩文則卓然與翟汝文綦崇禮輩爭勝

據舊志及他書修

象州志

上

紀官

无

胡夢昱字季昭吉水人大理評事濟王禍出倉卒議奪王爵夢昱憤甚援晉太子申生漢戾太子及秦王廷美與爲證又遺書史彌遠反覆責備彌遠大怒御史李知孝迎合風旨劾夢昱黨逆削籍羈管象州過桂林桂林帥錢宏祖欲害之未及施而宏祖暴亡後夢昱以疾卒於象象人每過其處輒指曰忠直之居初謫時朝野多以詩贈送鶴林玉露紀其事宋詩紀事收其詩殆五六首云

據舊志及他書修

